

per pedes apostulorum

i hâ ð boa lauffâ,
de šdeen eng bonand,
sovüj lußdi und dneddâ
gaads need vüj in land.

mâj voda hods zigâd,
mâj muedâ hods zoong,
mânâ briedâ hams aagrichd
zân zieng in woong.

owâ ojs in schwaan zug gêe
mid meagâ un' dung,
liewâ drabbân mânâ rabbâ
oda šbrenġan in šbrung.

bschlong dueds ða schuesdâ
und buzzn dues ii,
wäul i raidâ und ros,
hea und howâgnechd bii.

mâj gedangâ iß loaddsäu,
mâj glusd is ða šboen,
und so schoaf wos ðr is,
is ð doo nie zschoaf woen.

boj blangd mi zân wossâ,
zân häochgšdedding inn
vo doedd aus sieg i bberi
ja, da mues i hin!

unddâsberi, unddâsberi,
schau mi deat âa,
aja kensd mi den nimma?
o i ken di schâa !

guedmechdi dazue –
und du kehasd mi aa,
wani ned so vorauchd
und vohoad woen waa.

wie geeds den z saurhausn?
wani drâadeng hâ i grausn –
schaun dâ graizkepf in êan wâa
ddaum fien daumšdeßl âa!

gean schwumm i gengs wossa,
wâus owa ned geed,
schwim i aweaz geng bossa
hi iwâ zwiggleed.

zwiggleed, zwiggleed,
wo nix woxd und nix šdeed,
geedda jusd as wie mie,
wâus ma jusd geed wie die.

bassašdod, wassašdod,
du šdeesd ba miie in gnood,
wâu ma ned grod
sovüj fraain wo hod.

owa hiez frisch vorâa
iwâ viechdšdôa und frâa
wos des besd hie agaad
zraab hojd i šdaad.

rauwabie, raawabie,
bisd wiera grawa šdie,
schleggsd um dii, šdeßd um dii,
saggaradii!

woaß ned, kuez odá lang,
gach bin i z ewáschwang.
ewáschwang, ewáschwang,
gaad an guedn glang.

(„maj schoz had an anán buem
af dá saiddn
und drum hea is vâ ewáschwang
ajnálaiddn“)

afd geeds zwan i draamáđ
iwa walling ins braamáđ
in kála an dá šdraß,
frâindál, da schmeggd á maß.

in braamáđ, in braamáđ
sizzi zwan i gaamáđ
dá insán ojsand
san af schüjdoen ins amt.

af schüjdoen! owa zrugg gêe
siegd má kôas, kôane, kôan,
und drum blajb i hojd sizzn,
bißmá bosd umáđôan.